

nis, commodius in vernaculâ nostrâ vertitur: *ich werde*; *quam*: *ich will Pharaonis Herz verhärtten.*

XI. Nec DEUS operatur omnia feriantibus creaturis, nec creaturæ agunt omnia otioso existente DEO.

XII. Si DEUS manum suam vel ad momentum rebus quibuslibet subtraheret, è vestigio reciderent in nihilum.

Disp. XII.

De

Visione DEI Beatificâ.

I.

SI dictatum justitiæ Divinæ naturæ ipsi impressum est, Rom. I. 32. sequitur, per eandem naturam liquido innotescere, dari aliam post mortem hominis vitam. Hebr. I. 3.

II. Non nudæ probabilitatis argumenta, idem confirmantia, sunt, innatus omnibus naturæ instinctus, etiam post hanc vitam aliquid vel metuentis vel sperantis, & moratorum gentilium consensus.

III. Nimis profanum est dicere, in V. T. de vitâ æternâ nihil fuisse aut revelatum aut creditum.

IV. Specialem hujus vitæ rationem sola revelatio exponit, quamquam ob ejus eminentiam & majestatem non omnia sint revelata, I. Cor. II. 9.

V. Felicitas futuræ vitæ visione DEI exprimitur, non oculari, sed intellectuali, interprete Apostolo I. Cor. XIII. 12.

VI. Primus igitur & essentialis beatitudinis conceptus est notitia DEI perfectissima & eminentissima, amorque Divini Numinis intensissimus & indefecatus. Joh. XVII. 3. B. Königius.

VII. Quæ quia in hac quoque vitâ, quamquam inferiori gradu, inveniuntur, I. Cor. XIII. 9. Col. III. 10. vita æterna quoad essentielles partes etiam credentibus in hac vitâ adscribitur, I. Job. V. 11. f. Hülsemannus, Schmidius, Osiander.

VIII. Quoad perfectionis gradus & bona vitæ illius nondum